

# ঈশ্বর সবকিছু সৃষ্টি করেছেন

## মূল সত্য

ঈশ্বর সবকিছু করতে  
পারেন

## বাইবেলের পদ

“সৃষ্টির শুরুতেই ঈশ্বর মহাকাশ ও পৃথিবী সৃষ্টি  
করলেন।”  
- আদিপুস্তক ১ঃ১

## পাঠের শুরু

এটা কে সৃষ্টি  
করেছেন?

## বাইবেলের শিক্ষা

সৃষ্টির কাহিনী  
- আদিপুস্তক ১

## সম্পর্কযুক্ত গল্প

কৃষক মিনা ও টনি



বিজয় মিনিস্ট্রিজ

## পাঠের উদ্দেশ্যঃ

কিভাবে এই পৃথিবী ও মহাবিশ্বের অন্য সবকিছু সৃষ্টি হয়েছে সেই বিষয়ে বিজ্ঞান ও ধর্মীয় সম্প্রদায়ের মধ্যে একটি চলমান তর্ক-বিতর্ক রয়েছে। বিজ্ঞানীরা বলছেন যে সবকিছু একটি বিস্ফোরণ থেকে শুরু হয়েছে যাকে বিগ-ব্যাং বলা হয় আর বছরের পর বছর ধরে এটি ঠান্ডা হয়ে এই পৃথিবীতে রূপ নিয়েছে। কিন্তু বাইবেলে আদিপুস্তক ১ অধ্যায়ে এটি পরিস্কারভাবে বলা হয়েছে যে ঈশ্বর তাঁর মুখের কথায় এই সবকিছু সৃষ্টি করেছেন আর এই সব সৃষ্টি করতে মাত্র ছয় দিন লেগেছিল।


এই পাঠের উদ্দেশ্য শিশুদেকে এই শিক্ষা দেয়া যে ঈশ্বর সবকিছু সৃষ্টি করেছেন। এই পাঠের শেষে, আমরা চাই যেন শিশুরা জানতে পারে যে, যে ঈশ্বর এই সমস্ত কিছু তার ক্ষমতা দিয়ে সৃষ্টি করেছেন সেই একই ঈশ্বরের এই ক্ষমতাও আছে যে তিনি তোমার জীবনের সমস্ত সমস্যাগুলোও সমাধান করতে পারেন।



## প্রয়োজনীয় উপকরণ

### পাঠের শুরুঃ

টেলিফোন, খেলনা গাড়ি, চা, একজন পুরুষ ও একজন মহিলা




### বাইবেলের শিক্ষা

দুইটা বড় গোল/সার্কেল (একটি কালো, একটি সাদা), কিছু জিনিসের পেপার কাটিং (আকাশ, সমুদ্র, সূর্য, চাঁদ, মাটি, গাছ, তিমি, পাখী, হাতি, পিঁপড়া, পুরুষ, মহিলা), টেপ



### সম্পর্কযুক্ত গল্পঃ

ছবির কার্ড




## পাঠের শুরু

## কার্যক্রম

## এটা কে সৃষ্টি করেছেন?

বছরের পর বছর ধরে মানুষ অনেক বিস্ময়কর কিছু জিনিস আবিষ্কার করেছে যা আমাদের জীবন যাপন পাল্টে দিয়েছে। (শিক্ষক টেলিফোন দেখাবেন) আমাদের কাছে মোবাইলফোন আসার অনেক আগে, এ্যালেক্সজেন্ডার গ্রাহাম বেল প্রথম টেলিফোন আবিষ্কার করেন। এক জায়গায় না থাকলেও এই টেলিফোন লোকদেরকে একজন অন্যজনের সাথে কথা বলতে সাহায্য করেছে। (শিক্ষক খেলনা গাড়ী দেখাবেন) কার্ল বেঞ্চ প্রথম গাড়ী আবিষ্কার করেন যার ফলে লোকদের অনেকদূর পর্যন্ত হাঁটতে হয় না বা ঘোড়ায় চড়ে হয় না। (শিক্ষক এক কাপ চা দেখাবেন) এবং চাইনিজ রাজা শেন নুং চা আবিষ্কার করেন। অনেকগুলোর মধ্যে এগুলো হচ্ছে কয়েকটি জিনিস যা আমাদের জন্য সৃষ্টি ও আবিষ্কার করা হয়েছিল।

আমি এখন তোমাদেরকে একজন মহান সৃষ্টিকর্তার নাম বলতে চাই। তিনি শুধু মুখের কথাতেই আকাশ ও মহাবিশ্বের সবকিছু সৃষ্টি করেছেন। এই মহান সৃষ্টিকর্তা হলেন ঈশ্বর। কারণ ঈশ্বর সবচেয়ে বেশি শক্তিশালী ও ক্ষমতাশীল, এমন কোন কিছুই নেই যা তিনি করতে পারেন না।



আমাদের চারিপাশে আমরা যা কিছু দেখতে পাই তার সবকিছুই ঈশ্বর সৃষ্টি করেছেন। তাঁর ক্ষমতা ব্যবহার করে তিনি গাছপালা সৃষ্টি করেছেন, পশুপাখীদের সৃষ্টি করেছেন, মাটি এবং সমুদ্র তৈরী করেছেন। (পুরুষলোক বা মহিলার দিকে হেঁটে যান) কিন্তু সবচেয়ে আশ্চর্যকর যা ঈশ্বর সৃষ্টি করেছেন তাহলো মানুষ। তিনি আমাদেরকে শক্তি দিয়েছেন যেন আমরা আমাদের চিন্তাশক্তিকে কাজে লাগিয়ে এই রকম নতুন নতুন জিনিস তৈরী করতে পারি।

## আজকের বাইবেলের পদ এই কথা বলেঃ

“সৃষ্টির শুরুতেই ঈশ্বর মহাকাশ ও পৃথিবী সৃষ্টি করলেন।” - আদিপুস্তক ১ঃ১

সেই সাথে ঈশ্বর তাঁর শক্তি ব্যবহার করে আমাদের জীবনের কঠিন সমস্যাগুলোও সমাধান করতে সাহায্য করেন। তিনি তোমার মধ্যে থেকে রাগ দূর করে দিয়ে একটি ভালবাসার হৃদয় তৈরী করতে পারেন। যখন তুমি অসুস্থ থাক তখন তিনি তোমার অসুস্থতা দূর করে দিয়ে তোমাকে সুস্থ করতে পারেন। ঈশ্বর এই সবকিছু এমনকি এর থেকেও বেশি কিছু করতে পারেন কারণ তিনি সবকিছু সৃষ্টি করেছেন এবং তিনি তোমাকে সাহায্য করতে পারেন।

## উদাহরণ

- হতেপারে তোমার বাবা মায়ের বাধ্য হওয়া খুব কঠিন। তুমি খোদার কাছে মোনাজাত করতে পারো যেন তিনি তোমাকে তাদের বাধ্য হতে সাহায্য করেন।
- হতেপারে তুমি তোমার পড়াশুনা নিয়ে সমস্যায় আছো আর শিক্ষক বলেছেন হয়তো পরের ক্লাসে উঠতে পারবে না। ঈশ্বরের কাছে সাহায্য চাও যেন তুমি তোমার পড়া বুঝতে এবং পরীক্ষায় ভাল করতে সাহায্য করেন।

অনেক বিখ্যাত ব্যক্তিদেরকে মানুষ ভুলে গেছে যারা অনেক আশ্চর্য জিনিস আবিষ্কার করেছিল। কিন্তু সবচেয়ে মহান যে সৃষ্টিকর্তা তাকে কেউ ভুলে যায় নি এবং তিনি এখন বিদ্যমান। আজকে তুমি ঈশ্বরের কাছে তোমার জন্য সাহায্য চাইতে পার। তিনি তোমাকে সাহায্য করতে পারেন কারণ তিনি ঈশ্বর, এবং তিনি সবকিছু সৃষ্টি করেছেন।

## উপকরণ

টেলিফোন, খেলনা গাড়ী, চা, পুরুষ ও মহিলা



## বাইবেলের শিক্ষা

দৃষ্টান্ত

## সৃষ্টির কাহিনী আদিপুস্তক ১

নোটঃ শুরু করার আগে সাদা সার্কেলের সামনে কালো সার্কেলটি রাখুন। শিক্ষক অথবা সাহায্যকারী যে কেউ ছবিগুলো টেপ দিয়ে লাগাতে পারেন।

**বাইবেল আমাদেরকে বলে যে ঈশ্বর শুধুমাত্র তাঁর মুখের কথায় পৃথিবী, আকাশ এবং সবকিছু সৃষ্টি করেছেন।** আমি এখন তোমাদেরকে বলতে যাচ্ছি যে কিভাবে তিনি তা সৃষ্টি করেছেন। (বোর্ড দেখান) একদম শুরুতে যখন ঈশ্বর পৃথিবী সৃষ্টি করেন তখন সেখানে জল ছাড়া আর কিছুই ছিল না। এমনকি এটি ঠিক এইরকম অন্ধকারও ছিল। তাই, ঈশ্বর বললেন, “আলো হোক!” (কালো সার্কেলটি সরিয়ে ফেলুন) আর সঙ্গে সঙ্গে অন্ধকারের মধ্যে আলো জ্বলজ্বল করতে লাগলো। ঈশ্বর এই আলোর নাম দিলেন দিন আর অন্ধকারের নাম দিলেন রাত। আর প্রথম দিনে তিনি এগুলোই সৃষ্টি করলেন।

(সার্কেলের মধ্যে আকাশ ও সমুদ্র বসান) দ্বিতীয় দিনে ঈশ্বর বললেন, “এমন কিছু হোক যা এই জলকে দুভাগে ভাগ করে দিবে।” আর তখন জল ভাগ হয়ে গেল আর ঈশ্বর এই দুটির মাঝখানে বাতাস রাখলেন। আর ঐ বাতাসের নিচে যে জল সেটাকে তিনি নাম দিলেন সমুদ্র, এবং উপরের অংশকে নাম দিলেন আকাশ। (ভূমি ও গাছপালা সার্কেলে বসান) তৃতীয় দিনে, ঈশ্বর বললেন, “আকাশের নিচের জল সব এক জায়গায় জমা হোক এবং শুকনা জায়গা দেখা দিক।” এভাবে ঈশ্বর সমস্ত জল এক জায়গায় আনলেন এবং শুকনা জমি সৃষ্টি করলেন। এরপর তিনি সেই শুকনা জায়গায় গাছপালা, শস্য, ঘাস ইত্যাদি সৃষ্টি করলেন।

(সূর্য এবং চাঁদ যোগ করুন) চতুর্থ দিনে, ঈশ্বর বললেন, “আকাশের মধ্যে আলো দেয় এমন সবকিছু দেখা দিক, আর তা রাত থেকে দিনকে আলাদা করুক।” তাই ঈশ্বর দিনের বেলায় আলো দেয়ার জন্য সূর্য সৃষ্টি করলেন আর রাতে আলো দেয়ার জন্য চাঁদ সৃষ্টি করলেন। (তিমি এবং পাখী যোগ করুন) পঞ্চম দিনে, ঈশ্বর এই বলে সমুদ্রের প্রাণী ও পাখী সৃষ্টি করলেন, “জল বিভিন্ন জীবন্ত প্রাণীর ঝাঁকে ভরে উঠুক, আর পৃথিবীর উপরে আকাশের মধ্যে বিভিন্ন পাখী উড়ে বেড়াক।”

(পশু, পুরুষ ও স্ত্রীলোকের ছবি লাগান) ষষ্ঠ দিনে, ঈশ্বর বললেন, “পৃথিবী জীবন্ত প্রাণীতে ভরে উঠুক।” এভাবে তিনি বিভিন্ন ধরণের ছোট বড় পশু ও পোকামাকড় সৃষ্টি করলেন যেমন হাতি ও পিঁপড়া। এই সমস্ত কিছু সৃষ্টি করার পর, ঈশ্বর বললেন, “আস আমরা আমাদের সাথে মিল রেখে মানুষ সৃষ্টি করি।” তাই ঈশ্বর মানুষকে পুরুষ ও স্ত্রী করে সৃষ্টি করলেন এবং পৃথিবীর সমস্ত কিছু যত্ন নিতে ও উপভোগ করতে দিলেন। ষষ্ঠদিনে ঈশ্বর সমস্ত কাজ শেষ করলেন এবং সপ্তম দিনে তিনি বিশ্রাম নিলেন।

## আজকের বাইবেলের পদঃ

## “সৃষ্টির শুরুতেই ঈশ্বর মহাকাশ ও পৃথিবী সৃষ্টি করলেন।” -আদিপুস্তক ১ঃ১

**থামুন!** (সৃষ্টির বোর্ডের পাশে শিক্ষক দাড়াবেন) এই বোর্ডে তোমরা যা কিছু দেখতে পাচ্ছ তা সবই ঈশ্বর সৃষ্টি করেছেন। **আর তিনি এতই শক্তিশালী যে শুধুমাত্র মুখের কথাতেই তিনি এই সবকিছু সৃষ্টি করেছেন।** তিনি তোমাকে সাহায্য করার জন্যও তাঁর ক্ষমতা ব্যবহার করতে পারেন। তোমার যদি তাঁর সাহায্য বা সুস্থতার প্রয়োজন হয়, তিনি তোমার জীবনে তা করতে পারেন। ঈশ্বর **এগুলো করতে পারেন কারণ তিনি এই সবকিছুর সৃষ্টিকর্তা।**

## যেমনঃ

- হয়তো কেউ তোমাকে ব্যথা দিয়েছে আর তাকে ক্ষমা করা তোমার জন্য কঠিন হয়ে পড়েছে। ঈশ্বরের কাছে বল যেন তিনি তোমার মধ্যে একটি ক্ষমার হৃদয় তৈরী করেন এবং তোমাকে ক্ষমা করতে সাহায্য করেন।
- হয়তো তোমার বাবা-মা নিজেদের মধ্যে ঝগড়া করে বলে তোমার খুবই খারাপ লাগে। ঈশ্বরকে বলো যেন তিনি তাদের একটি ভালবাসার হৃদয় তৈরী করেন যেন তারা মিলেমিশে থাকেন।

যদি তোমার কোনকিছুর দরকার হয় আর তুমি জাননা যে কি করতে হবে বা কোথায় যেতে হবে, তখন ঈশ্বরের সাহায্য চাও। তিনি সবকিছু সৃষ্টি করেছেন এবং তিনি তোমাকেও সাহায্য করতে পারেন।

## উপকরণ

দুইটা বড় গোল/সার্কেল (একটি কালো, অন্যটি সাদা), পেপার কাটিং (আকাশ, সমুদ্র, সূর্য, চাঁদ, ভূমি, গাছপালা, তিমি, পাখী, হাতি, পিঁপড়া, পুরুষলোক, স্ত্রীলোক), স্কসটেপ।

বিজয় মিনিট্রিট্‌জ্ এর সর্ব অনুমতি ব্যক্তি বিতরণ বা বিক্রয় নিষিদ্ধ



## সম্পর্কযুক্ত গল্প

চাষ করা

## কৃষক মিনা এবং টনি

১ মিনা এবং টনি সবচেয়ে ভাল ও বড় ভুট্টা চাষের জন্য ইন্ডিয়ায় খুবই বিখ্যাত। সেই সাথে তারা ঐ দেশের একটি বড় খামারেরও মালিক। এটি তাদের বাবা-মায়ের ছিল কিন্তু তারা বৃদ্ধ হওয়ার পর তাদেরকে এটি দিয়ে দিয়েছেন। এখন এই দুই ভাই-বোন তাদের বাবা-মায়ের মতই খামারের যত্ন নেয়ার জন্য অনেক সময় ও অর্থ ব্যয় করতে লাগলো।



২ সবাই তাদের কাছ থেকে ভুট্টা কিনতে পছন্দ করতো এমননি পৃথিবীর অন্য দেশ থেকেও লোকেরা ভুট্টা কিনতে আসতো। আর এখন তারা নেপাল, শ্রীলংকা, বাংলাদেশ থেকে বড় ধরণের অর্ডার পেয়েছে। টনি এবং মিনা ক্রেতাদেরকে সঠিক সময়ে ভুট্টা জাহাজে করে পাঠানোর জন্য অতিরিক্ত এবং খুবই কঠিন পরিশ্রম করতে লাগলো।



৩ মিনা এবং টনি তাদের ভুট্টার জন্য খুব গর্বিত ছিল। সেগুলো খুবই বড়, মোটাসোটা এবং জাহাজে পাঠানোর জন্য মোটামুটি প্রস্তুত ছিল। কিন্তু একরাতে যখন তারা ঘুমাচ্ছিল, তখন একদল কাক উড়ে এল এবং তাদের ভুট্টাশ্কেতে এসে নামলো। ঐ রাতে কাকগুলো মাঠের ডান পাশের বেশিরভাগ ভুট্টা খেয়ে ফেললো।



৪ পরেরদিন সকালে যখন মিনা ও টনি ঘুম থেকে উঠলো তখন তারা ভুট্টাশ্কেত ঠিক আছে কিনা তা পরীক্ষা করে দেখতে গেল। মিনা বাম দিকে গেল আর টনি ডান দিকে গেল। যেহেতু কাকগুলো ডান দিকে ভুট্টাগুলোকে বেশি নষ্ট করে ফেলেছে তাই টনির চোখেই ক্ষতির বিষয়টি প্রথমে ধরা পড়লো। সে দেখলো যে মাটিতে অর্ধেক করে খাওয়া ভুট্টাগুলো পড়ে আছে। যখনই টনি এগুলো দেখতে পেল সঙ্গে সঙ্গে সে তার বোনকে ডাকতে লাগলো।



## সম্পর্কযুক্ত গল্প

চাষ করা

## কৃষক মিনা এবং টনি

৫ মিনা যখন এটি দেখলো তখন বলল “এটাতো খুবই ভয়ানক ব্যাপার! এতগুলো ভুট্টা নষ্ট হয়ে গেল!” টনি রাগান্বিত হয়ে বলল, “আমি জানতে চাই এটা কে করেছে! এটা অসহনীয়!” টনি ও মিনা জানতো যে তারা ঐ নষ্ট হয়ে যাওয়া ভুট্টাগুলোকে আর ব্যবহার করতে পারবে না তাই বাকি যে ভুট্টাগুলো আছে সেগুলোকে যত্ন নেয়ার জন্য তারা আরো দিগুন কাজ করতে লাগলো। সন্ধ্যার সময় যখন সূর্য ডুবে যাচ্ছিল তখন টনি মিনাকে বলল, “আজকে রাতে আমি ভুট্টাক্ষেতে পাহাড়া দিতে যাচ্ছি। আমাকে খুঁজে বের করতে হবে যে কে আমার ক্ষতি করেছে।” এর পর টনি তার জ্যাকেট, মাথার টুপি, একটি টর্চ লাইট নিয়ে ভুট্টাক্ষেতের ডান দিকে পাহাড়া দিতে গেল।



৬ টনি সারারাত ধরে পাহাড়া দিল কিন্তু তেমন কিছুই দেখতে পেল না। কিন্তু পরের দিন, যখন সে আর মিনা মাঠে কাজ করতে গেল আর দেখলো যে ডান দিকের অংশটি একেবারেই নষ্ট হয়ে গিয়েছে। কাকগুলো আবারো ফিরে এসেছিল আর সবকিছু নষ্ট করে দিয়ে চলে গেছে। এই সবকিছু দেখে মিনা একেবারে কান্নায় ভেঙ্গে পড়লো আর বলল, “এখন কিভাবে আমরা আমাদের অর্ডারগুলো পূরন করবো? সম্পূর্ণ ক্ষেতের প্রায় অর্ধেক ভুট্টাই আমাদের নষ্ট হয়ে গেল। এখন আমরা কি করবো!”



## শিক্ষার সময়

তোমাদের মধ্যেও হয়তো কারো কারো মিনার মত চিন্তা থাকতে পারে। হয়তো তোমার জীবনের কোন সমস্যা আছে যা ঠিক হওয়া দরকার কিন্তু তুমি জাননা যে সেই সমস্যা সমাধানে কি করা দরকার। হয়তো মনে হচ্ছে কোন আশা নাই, এবং আমাদের জীবনে কিছুই হবে না। ঈশ্বর যিনি এই সবকিছু সৃষ্টি করেছেন তিনি তোমাকে সাহায্য করতে পারেন। তোমার যা দরকার সেটি দেয়ার মধ্যে দিয়ে তিনি তোমাকে একটি পরিপূর্ণ সমাধান দিতে পারেন।

মনেকরে দেখ বাইবেলের পদটি কি বলছেঃ

“সৃষ্টির শুরুতেই ঈশ্বর মহাকাশ ও পৃথিবী সৃষ্টি করলেন।” -আদিপুস্তক ১ঃ১

## উদাহরণ

- হয়তো তুমি মিথ্যাকথা বলা বন্ধ করতে চাও কিন্তু তুমি পারছো না। ঈশ্বরকে বল যেন তিনি তোমাকে সবসময় সত্যি বলতে ও সৎ থাকতে সাহায্য করেন।
- হয়তো তোমার কোন বন্ধু মাদক নেয় আর সে সেখান থেকে বের হতে পারছে না। ঈশ্বরকে বল যেন তিনি তাদেরকে মাদক নেয়া বন্ধ করতে ও সেখান থেকে বের হয়ে আসতে সাহায্য করেন।

মিনা এবং টনিও খুবই অসহায় বোধ করছিল এবং বুঝতে পারছিল না যে তাদের কি করা দরকার। এখন, চল দেখি এরপর কি হলো।

## সম্পর্কযুক্ত গল্প

চাষ করা

## কৃষক মিনা এবং টনি

৭ টনি তার বোনকে সাহায্য দেয়ার জন্য তাকে জড়িয়ে ধরে বলল, “আমরা এত তাড়াতাড়ি হতাশ হচ্ছি কেন? ঈশ্বর সবকিছু সৃষ্টি করেছেন, তাই আমরা তাঁর কাছে সাহায্য চাইবো।” ভুট্টাক্ষেতের মধ্যে বসেই টনি এবং মিনা ঈশ্বরের কাছে প্রার্থনা করলো এবং তাদের অর্ডার পূরণ করার জন্য সাহায্য চাইলো। এরপর তারা নষ্ট ভুট্টাগুলোকে বাইরে ফেলে দিয়ে ক্ষেতে কাজ করতে শুরু করলো। যে ভুট্টাগুলো এখনও ভাল আছে সেগুলোকে যত্ন করার জন্য তারা খুবই পরিশ্রম করতে লাগলো কারণ জাহাজে করে ভুট্টাগুলো পাঠানোর সময় খুবই কাছাকাছি চলে আসছিল।



৮ টনি এবং মিনা বিষয়টি জানতো না কিন্তু তাদের প্রতিবেশীরা শুনেছিল যে তাদের ভুট্টাক্ষেতে কাক আক্রমণ করেছিল। তাই, তারা সবাই একত্রিত হলো এবং সিদ্ধান্ত নিল যে তাদের কাছ থেকে কিছু কিছু ভুট্টা তারা তাদেরকে দিয়ে দিবে। আর যখনই ভ্যান ও ট্রাকে করে লোকেরা ভুট্টা তাদের ফার্মের দিকে নিয়ে আসছিল তা দেখে তারা বিশ্বাসই করতে পারছিল না যে কি হচ্ছে। এখন তাদের কাছে অর্ডার পূরণ করার জন্য যথেষ্ট ভুট্টা আছে। যখন টনি এবং মিনা দেখলো যে তাদের প্রতিবেশীরা তাদেরকে ভুট্টা দিচ্ছে তখন তারা বুঝতে পারলো যে ঈশ্বর তাদের প্রার্থনার উত্তর দিয়েছেন।



# কাজের পরিকল্পনা

## কাজ # ১ সিদ্ধান্ত গ্রহণ

ঠিক টনি ও মিনার জীবনের মত ঈশ্বর তোমার প্রয়োজন মিটানোর জন্যও তোমাকে সাহায্য করতে পারেন। ঈশ্বর সবকিছু সৃষ্টি করেছেন এবং তোমার জীবনের যে কোন সমস্যার সমাধান দেয়া অথবা তোমার জীবন পরিবর্তন করার মত ক্ষমতা তাঁর আছে। তুমি যদি চাও যেন তিনি তোমাকে সাহায্য করেন, তাহলে মনে মনে ঈশ্বরের সাথে কথা বলো।

## কাজ # ২ নমুনা প্রার্থনা

প্রিয় ঈশ্বর, আমাকে সৃষ্টি করার জন্য তোমাকে ধন্যবাদ। দয়াকরে আমার মধ্যে একটি ভালবাসার ও ক্ষমার হৃদয় তৈরী কর। আর আমার জীবনের সমস্যা সমাধানের জন্য তুমি আমাকে সাহায্য কর। পিতা ঈশ্বর তোমাকে অনেক অনেক ধন্যবাদ। যীশুর নামে এই প্রার্থনা করি, আমেন।



## চলো খেলা করি! খেলার প্রশ্নঃ



- আমাদের ক্লাবে তিনটি নিয়ম আছে।  
তৃতীয় নিয়মটি হলোঃ বাঁশির শব্দ  
মানেই...কি?  
**চুপ থাকা**
- আজকে আমরা তোমাদেরকে চারটি  
গুরুত্বপূর্ণ বিষয় শিক্ষা দিয়েছি। শেষ  
বিষয়টি কি?  
**আমি একটি ভালো জীবন  
যাপন করতে চাই**
- টনি ও মিনার সমস্যার সমাধান  
কিভাবে হয়েছিল?  
**প্রতিবেশিরা সাহায্য করেছিল**

